



BOSNA I HERCEGOVI NA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK

Tel 032650 022
032 650 547
Fa 032650 416

www.opcina-tesanj.ba
E-mail: optesanj@bih.net.ba
fuad.sisic@opcina-tesanj.ba



Trg Alije Izetbegovića 11,
74260 Tešanj

Broj: 02-49-2-1942/12

Datum: 22.06.2012. godine

OPĆINSKO VIJEĆE
o v d j e

PREDMET: Informacija o poslovanju JP „RAD“ d.d. Tešanj u 2011. godini,-

Ova informacija ima za cilj da u skaćenju verziji omogući vijećnicima uvid u poslovanje i aktivnosti ovog preduzeća. U prilogu je Izvještaj o poslovanju JP „RAD“ d.d. Tešanj za 2011. godinu, koji je dostavljen predsjednicima klubova svih stranaka.

Proteklu poslovnu godinu JP „RAD“ d.d. Tešanj ocijenilo je uspješnom. Imajući u vidu period izuzetno sušnog vremena, na području općine Tešanj nisu zabilježene drastične redukcije u isporuci vode. Posljedica je ovo na vrijeme detektovanih i otklonjenih kvarova, što je rezultiralo smanjenjem gubitaka u mreži koji su na godišnjem nivou iznosili 22,15 %, odnosno za 2,85% gubitci su manji nego u prethodnoj godini. Osim toga u zoni izvorišta Jelah izvršen je iskop još jednog bunara. U posmatranom periodu obzirom na smanjene količine vode, posebna pažnja bila je posvećena praćenju i kontroli kvaliteta vode.

Predstavnici JP „RAD“ zajedno sa predstavnicima Općine nastavili su aktivnosti na realizaciji projekta odvodnje i prečišćavanja otpadnih voda na području općine Tešanj. Postojeći kanalizacioni sistem na području općine Tešanj održavan u kontinuitetu.

U saradnji sa Općinom Tešanj pokrenuta je aktivnost na izgradnji šest reciklažnih otoka i uvođenje jednosedmičnog odvoza komunalnog otpada, što je rezultiralo proširenjem obuhvata područja na cijelu općinu, odnosno u odvoz smeća su uključene mjesne zajednice: Kalošević, Bobare-Drinčići-Blaževci, Piljužići, Miljanovci-Lončari, Novi Miljanovci, bez dodatnih ulaganja u opremanje preduzeća te započinjane selektivnog prikupljanja otpada.

U toku 2011. godine zahvaljujući proširenju obuhvata korisnika odvoza komunalnog otpada za 7,95 % ili 668 novih korisnika, povećanoj potrošnji vode za 7,22 % ili 172 nova korisnika, povećanom obimu korisnika kanalizacionog sistema za 4,92 % ili 298 novih korisnika, te ostalih aktivnosti za 5,51 %, zabilježen je rast ukupnog prihoda za 4,13% u odnosu na planirani. Jedini pad je zabilježen kod prihoda ostvarenih od laboratorijskih usluga.

U posmatranom periodu ostvaren je rast ukupnih rashoda za 3,87% u odnosu na planirane. U izvještaju preduzeća je konstatovano da je zahvaljujući ostvarenom visokom procentu naplate fakturiranih potraživanja koji je ostvaren na nivou 96,95 % obezbjeđena je solventnost i likvidnost preduzeća, i pozitivan finansijski rezultat.

Međutim, u izvještaju revizije je konstatovano kako je potraživanje od kupaca jedno od najosjetljivijih i najrizičnijih područja u poslovanju društva. Na ovo ukazuje iznos direktnog otpisa nenaplaćenih

potraživanja u iznosu od 143.694,00 KM. Nadalje, Revizoru nisu predloženi podaci o starosnoj strukturi sumnjivih i spornih potraživanja od kupaca, kako bi proveo proceduru na ocjeni realnosti procjene iznosa istih. Slijedeća sporna stavka Izvještaja revizije je činjenica da je od ukupno evidentiranih kratkoročnih potraživanja od kupaca u iznosu od 1.099.353,00 KM, na dan 31.12.2011. godine, pred sudom pokrenut 41 postupak prinudne naplate u ukupnoj vrijednosti 64.769,00 KM. Obzirom na primjedbe revizije i postupanje po preporukama revizije, može se narušiti iskazana finansijska stabilnost JP „RAD“ d.d. Tešanj.

U revizorskom izvještaju je konstatovano da nije bilo mogućnosti potvrditi izkazanu vrijednost u promjenama na kapitalu i evidenciji stalnih sredstava. Imajući u vidu da je revizija kapitala izvršena 30.06.2005. godine, data je preporuka da Uprava društva u toku 2012. godine obezbijedi reviziju kapitala.

Na osnovu zaključenog sporazuma sa Sindikalnom organizacijom o korekciji koeficijenata za 2011. godinu, plaće uposlenim isplaćivane su na nivou od 85% od predviđenih granskim kolektivnim ugovorom. Prosječna neto plata ostvarena je na nivou od 837,00 KM (u 2010.g. 763,00 KM) i veća je za 9,7% u odnosu na prethodnu godinu. Najveća isplaćena plata je 2.550,00 KM dok su prosječna primanja po zaposlenom (80 uposlenika) iznosila 1.201,00 KM i veća su za 12,7 % u odnosu na prethodnu godinu.

JP „RAD“ nema imenovan Odbor za reviziju koji je obavezan imenovati u skladu s odredbama Zakona o javnim preduzećima. Nepravilnosti evidentirane u izvještaju Nezavisnog revizora bile bi spriječene, obzirom da je obaveza Odbora za reviziju da na osnovu studije rizika bez odlaganja i odmah evidentira rizična područja i korigira sve nepravilnosti.

Nadzorni odbor je mišljenja da je Izvještaj o poslovanju preduzeća za 2011. godinu realan, da prevladavaju pozitivne tendencije u poslovanju preduzeća bez obzira na ekonomsku krizu, da je na sveobuhvatan i analitičan način prikazao poslovanje preduzeća.

Zaključci:

1. Uprava je dužna realizovati kvalifikacije iz Izvještaja Nezavisnog revizora:
napomena 8-stalna sredstva i dugoročni plasmani,
napomena 9-zalihe i sredstva namjenjena prodaji,
napomena 11-kratkoročna potraživanja od kupaca u zemlji i
napomena 13-kapital,
2. Jačanje aktivnosti preduzeća na preuzimanju na upravljanje i održavanje mjesnih vodovoda i na selekciji iskoristivog otpada,
3. Uprava preduzeća dužna je izvršiti reviziju kapitala, evidentirati uvećani kapital umjesto donacija i spriječiti gubitak na kapitalu,
4. Preduzeće mora stvarati pretpostvke za kreditno zaduženje radi učešća u finansiranju kapitalnih projekata, povećanjem obima svojih usluga a ne povećanjem cijena komunalnih usluga,
5. Imenovati Odbor za reviziju radi sprečavanja nepravilnosti evidentiranja, rizičnih područja i poduzimanja blagovremenih korekcija.

OBRADIVAČ
Služba za finansije, privredu i inspekcije

Hamzalija Hojkurić,dipl.ecc

OPĆINSKI NAČELNIK
Fuad Šišić,dipl.ing.maš.